

— Սիրտս, մտոր, ցաւ դգաց խոր եւ ոխ: Մեռան երկու պապազալներ եւ երեք կաքաւք, որ ասն արքայութեան: Առի նրանք կրծքիս վրայ, տաքացրի. կուտ դրի բերաննին, ասի. մի՛ մեռնէք, մի՛ մեռնէք, վանսղի ինձ համար ցաւ է մեծ եւ կորուստ փողի: Չեղաւ, մտոր, չեղաւ: Եւ երբ նետեցի նրանց ծովը, ջանս էլ հետը գնաց: Կը հասկանա՞ս:

— Հասկանում եմ, անշուշտ:

— Բայց դեռ այդ ոչինչ: Աղէնից Սուրբան գնալուց, նախ շատ տաք հով փչեց, յետոյ կարծես երկինքը կարմրեց եւ հով մի կատաղի բարձրացաւ, այնքան սաստիկ, որ մտածեցի վերջն է՛ աշխարհի: Կայմեր ճոճուային, նաւը քիթը խոթէր զջուր եւ ալիք բարձրանային գնաւ եւ թրջէին զթոշունք: Ո՞ւր գնամ, ո՞ւր գնամ... ո՞ւր տանիմ ապրանք իմ... Աղօթեցի եւ նորից մարդ զրկեցի կապտընին, մարդասիրական իր զգացմանց զիմելով: Բայց նա՛ վա՛տ մարդ, հրէշ եւ անաստուած՝ պատասխանի: Թող տայ պապազայք երեք մեծ, թէ չէ կործանին ամենայք: Բարկացամ: Տա՛մ զպապազայք, տա՛մ զպապազայք... Ես փո՛ղ տուել մեծ, աշխատանք թափել եմ մեծ եւ չտա՛մ: Չտաս՝ չիրկենք զթոշունք: Եւ մեռի՛ն, մտոր, մեռին նաեւ ուրիշք: Ասեմ կարճ. երբ հասանք Պորտ Սաիդ, մնացել էին երեք թոշուններ անշան, մէկ զեղին, մէկ գլխով կապոյտ եւ երկու արքայական: Նայէի նրանց ինչպէս զաւակունք իմ թանկագին, իսկ նաւաստիներ ծիծաղէին անզգամ: Բայց տես գթրախտութիւն՝ մեռի՛ն եւ նրանք երբ մօտեցանք Մալթային: Մեռի՛ն ամենայն թրոնունք, մեռի՛ն, մտոր...

— Իսկ վանդակները ի՞նչ արիք:

— Թափեցիմ զծով, որպէսզի չօգտուին իտալայք անօրէն:

— Մնացին կօկօյք:

— Կօկօյք...

— Մտոր հայրենակիցը յանկարծ ոտքի է կանգնում, մօտենում դրան, վերցնում անկիւնում դրած մի կապոց եւ բերում ինձ:

— Ահա, կօկօյք երեք... առէք ձեզ...

— Իսկ միանե՞րը:

— Միւսները խմեցին:

— Խմեցի՞ն:

— Այո՛: Երբ աստ գնացի առնելու զպլուտուղ, տեսայ, որ ամէնն էլ ծակ են: Ճանապարհին, սաստիկ տաքի ժամանակ, նաւաստիներ իջնէին վար, ծակէին ընկոյզ եւ խմէին կաթն զովահար: Իսկ պտուղ փչանար, եւ ես ընդմիջտ կործանէի... Ողջ էին միայն երեք հաս: Առի, բերի ձեզ. թող գոնէ այդ էլ հա՛յ ուտի: Կերէք, մտոր, կերէ՛ք...

Նստում է: Ոսկեգօծ ակնոցների հաստ պակիների ետեւից բարակ իր աչքերը փայլում են: Թուխ իր մորթը, մազոտ ձեռքերը, ճերմակ եզունգները բոլորովին ինձ օտար են: Եթէ հայերէն, այն էլ այնքան ինքնուրոյն հայերէն չխօսէր, ո՛վ պիտի կարողանար նրան ճանաչել իրբեւ հայ:

Հա՛յ:

Մեր երազները, ծովեր անցնող եւ մըրիկի հարուածների տակ մեռնող, դունագեղ, արքայական թութակների այս վախճանը չունի՞ն:

Անիւրից՝ Բէնարէս, Կալիպթա, Բօմբէյ:

— Անդ ունիմք կեղեցի եւ դպրոց ունիմք...

Փողոցում աշունը վայում է:

Բանջարեղէն ծախող կնոջ ձայնը՝ հաստ, խոպոտ եւ լալկան՝ խառնում է աշնան, բարձրանում եւ փշոր գալիս:

Յիշում եմ... —

Աննեակում արդէն մութ էր, պատուհանի վերը զեղին մի լոյս էր նստել եւ մենք լուռ էինք:



Բաղիլիկան բոց էր եւ երգ:

Պատերի սրբերի խմբերը ման էին գալիս ոսկեգօծ դաշտերում:

Աստուածաշունչը, բիւզանդական լայն քղամիզների տակ, անհանգիստ շարժում էր իր նիհար մարմինը. դապում իր ողբերգութիւնը, գալարում իր պատմութեան անհղ դէպքերը եւ զմբէթից վայր թափուող աղօտ լոյսերի տակ՝ կուշ գալիս, տափակ դէմքերով պատերին կպչում, բոլորում սիւնների շուրջը, սողում կամարների վրայից:

Սրբերի ոսկէպատ աչքերում կայծկտող